

ESTATUTOS DA
ASOCIACION GALEGA DE AUTOCARAVANAS

Fundada no 21 de outubro de 2006 na localidade de Burela (Lugo)

CAPÍTULO I

DA ASOCIACIÓN EN XERAL

Artigo 1º.-

1.- Constitúese unha asociación sen ánimo de lucro das previstas na Lei orgánica 1/2002, do 22 de marzo, reguladora do dereito de asociación. A asociación ten a seguinte denominación " ASOCIACIÓN GALEGA DE AUTOCARAVANAS" en adiante AGA

2.- A asociación rexerese polos ditos estatutos, pola Lei orgánica 1/2002, do 22 de marzo e pola demais lexislación existente en materia de asociacións que lle sexa aplicable.

Artigo 2º.-

O domicilio principal e permanente da asociación radicará na localidade de Ames rúa da Magdalena, nº 1 C.P. 15895, correo electrónico infoaga@terra.es

Artigo 3º.-

A asociación, en funcións dos seus fins e do emprazamento do seu domicilio social, exercerá fundamentalmente as súas actividades no ámbito territorial de Galiza.

Artigo 4º.-

1.-A asociación constitúese por tempo indefinido e só se disolverá, conforme a estes estatutos, pola vontade dos asociados expresada en Asemblea Xeral Extraordinaria ou polas causas previstas na lexislación vixente.

2.- A asociación rexerese segundo os principios democráticos contidos no marco da Constitución e o resto do ordenamento xurídico.

Artigo 5º.-

1.- Son fins principais da asociación:

- a.- xuntar nun só colectivo todo-os usuarios galegos de autocaravanas.
- b.- promover e fomentar o uso da autocaravana coma vehículo de recurso turístico.
- c.- velar pola defensa dos dereitos dos autocaravanistas fronte os intereses privados e interpretacións subxectivas da lexislación vixente.
- d.- promocionar-la nosa xeografía, arte, historia, monumentos, costumes, gastronomía e folclore por todo o mundo.
- e.- promociona-la imaxe dos usuarios de autocaravanas fomentando o respecto e o amor a Natureza.

2 .- Para levar a cabo os seus fins, poderá a asociación organiza-las seguintes actividades:

- a.- Organizar saídas colectivas, usando a autocaravana, para os seus asociados
- b.- Fomentar as zonas de servizos e aparcadoiros para autocaravanas nos núcleos de poboación así coma unha clara sinalización das mesmas.
- c.- Desenvolver conferencias, cursos, exposicións, concursos, actividades deportivas e culturais relacionados coa autocaravana.
- d.- Calesquera outras que no seu intre representen un beneficio para a asociación e ou para os fins que persegue Os beneficios que se obteñan por calquera concepto destinaranse exclusivamente ó cumprimento destes fins, sen que se poidan repartir entre os asociados nin outras persoas físicas ou xurídicas con interese lucrativo.

CAPÍTULO II

DOS ASOCIADOS

Artigo 6º.-

1 - Poderán ser integrantes da asociación tódas aquelas persoas físicas, con plena capacidade de obrar e as persoas xurídicas tralo acordo do seu órgano competente, que non teñan débedas pendentes coa asociación e que reúnan os seguintes requisitos:

- a. Ser poseedor de autocaravana.
- b. Proporse participar e practicar a actividade autocaravanista.
- c. Se considerará un solo socio por tripulación.

2.- Poderán ser integrantes da asociación na súa sección xuvenil, os menores non emancipados de máis de 14 anos co consentimento, documentalmente acreditado, das persoas que deban suplir-la súa capacidade.

3.-Os acordos de admisión de asociados e asociadas tomaraos a Xunta Directiva, unha vez recibida a petición por escrito da persoa que desexa ser admitida.

Artigo 7º.-

Dentro da asociación poderán existi-las seguintes clases de asociados:

- a) **Fundadores**, aquelas persoas que subscribiron a acta fundacional.
- b) **Numerarios**, aquelas persoas que ingresaron con posterioridade á subscrición da acta fundacional.
- c) **Honorarios**, aquelas persoas que, a xuízo da Asemblea Xeral, axuden de xeito notable ó desenvolvemento dos fins da asociación.
- d) **Xuvenís**, aquelas persoas menores de 18 anos que participen na asociación, que estarán integradas na sección xuvenil, no seu caso.

Artigo 8º.

1.- A condición de asociado pérdese:

1. Por vontade propia.
2. Por falta de pago de la cuota anual finalizado el plazo de pago correspondiente y luego de recibir un aviso de la Tesorería de la AGA en cada uno de los dos meses inmediatos y siguientes al mes de vencimiento del período de pago reglamentario.
El período de pago reglamentario queda establecido entre el día 1 de Enero y el 28 de Febrero, ámbos los dos incluídos, de cada año.
3. Por incumplimento das súas obrigas ou a realización de accións que prexudiquen gravemente ós intereses da Asociación, previo expediente disciplinario, con audiencia do interesado.
4. Por falecemento da persoa física ou extinción da persoa xurídica.

2.- A expulsión de asociados e asociadas nos supostos dos apartados b) e c) do parágrafo anterior, será acordada pola Xunta Directiva, logo da audiencia do interesado. O acordo de expulsión deberá ser ratificado pola Asemblea Xeral Extraordinaria e contra a súa resolución poderase recorrer ante a xurisdición ordinaria.

Artigo 9º.-

Os asociados e asociadas teñen os seguintes dereitos:

1. Participar nas actividades da asociación e nos órganos de goberno e representación, exerce-lo dereito de voto, así como asistir á Asemblea xeral, de acordo cos estatutos.
 2. Ser informado da composición dos órganos de goberno e representación da asociación, do seu estado de contas e do desenvolvemento da súa actividade.
 3. Ser oído con carácter previo á adopción de medidas disciplinarias contra el e ser informado dos feitos que dean lugar ás ditas medidas, debendo motivarse o acordo que, no seu caso, imponha a sanción.
 4. Impugna-los acordos dos órganos da asociación que estime contrarios á lei ou ós estatutos.
- Os asociados e asociadas honorarios e xuvenís non intervirán na dirección da asociación nin nos órganos de representación dela. Os asociados e asociadas honorarios están facultados para asistir ás asembleas xerais con voz, pero sen voto.

Artigo 10º.-

Son obrigas dos asociados e asociadas:

1. Comparti-las finalidades da asociación e colaborar para a súa consecución.
2. Paga-las cotas que se establezan.
3. Desempeña-los cargos para os que foron elixidos.
4. Acatar e cumpri-los acordos validamente adoptados polos órganos de goberno e representación da asociación.
5. Acata-lo contido dos estatutos.
6. Ter unha boa conducta individual e cívica.

CAPÍTULO III

DOS ÓRGANOS DA ASOCIACIÓN

Artigo 11º.-

A dirección e administración da asociación serán exercidas polo presidente, a Xunta Directiva e a Asemblea Xeral.

Artigo 12º.

1. - O p residente da asociación será designado pola Asemblea Xeral entre os asociados e o seu mandato durará dous anos. Será asistido nas súas funcións por un vicepresidente, que o substituirá nos casos de vacante, ausencia ou enfermidade.
- 2.- O presidente terá as seguintes atribucións:
 - a) Representa-la asociación perante calquera organismo público ou privado.
 - b) Convocar e presidi-las sesións que celebre a Xunta Directiva; presidi- las sesións da Asemblea Xeral; dirixi-las deliberacións dunha e outra, e decidir con voto de calidade, no caso de empate.
 - c) Executa-los acordos adoptados pola Xunta Directiva e a Asemblea Xeral.
 - d) Ordena-los pagamentos acordados validamente.

e) Asina-las actas, certificados, pagamentos e outros documentos da asociación xunto co secretario ou membro da Xunta Directiva a quen lle corresponda a elaboración do documento de que se trate.

Artigo 13º.

1.- A Xunta Directiva estará formada al menos por o presidente da asociación, un secretario, e un tesoureiro..

2.- Os cargos que compoñen a Xunta Directiva serán desempeñados de forma gratuíta, sen prexuízo do dereito a ser reembolsados dos gastos debidamente xustificadas en que poidan incurrir por actuacións relacionadas coa asociación. As persoas elixidas para estes cargos deberán carecer de interese económico nos resultados da actividade levada a cabo pola asociación.

3.- A Asamblea Xeral será a competente para elixir-los cargos de Presidente, Secretario y Tesoureiro. A súa duración será por un período de dous anos, aínda que poden ser obxecto de reelección indefinidamente.

4.- Os cargos cesarán na súa función por:

a) facelemento da persoa física ou extinción da persoa xurídica.

b) renuncia voluntaria.

c) transcurso do prazo para o que foron elixidos.

d) acordo de cesamento de toda a Xunta Directiva adoptado por 2/3 dos asociados reunidos en Asamblea Xeral extraordinaria convocada para tal efecto.

5.-No caso de producirse una vacante por falecemento, enfermidade ausencia dimisión de algún membro da Xunta Directiva, será a propia Xunta Directiva a que designe a un membro da mesma o a outro socio pra substituírle no cargo que resultara vacante. Isto non pode suceder cando a vacante sexa a do presidente e o secretario no mesmo ano, enton terá que convocarse novas eleccións.

6.-As vacantes do Presidente o Secretario serán ocupadas automaticamente polo vicepresidente o vocal. Quedando libres estas, poderánse cubrir como indica o articulo anterior.

A renuncia e o transcurso do prazo non dan lugar ó cesamento automático, senón que se deberá facer un efectivo traspaso de poderes con entrega de documentación e posta ó día do sucesor.

Artigo 14º.-

A Xunta Directiva terá as seguintes atribucións:

1. Programar e dirixir-las actividades asociativas.

2. Leva-la xestión administrativa e económica da asociación.

3. Someter á aprobación da Asamblea Xeral o orzamento anual de ingresos e gastos, así como o estado de contas do ano anterior.

4. Convocar e fixa-la data da Asamblea Xeral.

5. Proponerlle á Asamblea Xeral a fixación de cotas ordinarias e extraordinarias para os asociados.

6. Designa-las comisións de traballo ou seccións que se estimen oportunas para o bo funcionamento da asociación.

7. Ditar normas interiores de organización e exercer cantas funcións non estean expresamente asignadas á Asamblea Xeral.

8. Resolver sobre as solicitudes de ingreso de novos asociados.

9. Propoñe-lo plan de actividades da asociación á Asamblea Xeral para a súa aprobación, impulsando e dirixindo as súas tarefas.

10. Resolve-los procedementos disciplinarios que se instrúan.

11. Aquelas que non veñan atribuídas expresamente á outro órgano da asociación.

Artigo 15º.-

1.- A Xunta Directiva será convocada polo presidente, a iniciativa propia ou a petición de calquera dos seus compoñentes.

2.- Para que os acordos da Xunta Directiva sexan válidos, deberán ser adoptados pola maioría de votos dos asistentes, sendo necesaria a concurrencia, polo menos, da metade máis un dos seus membros e, en todo caso, do presidente ou vicepresidente e o secretario ou persoa que o substitúa.

O secretario ou, no seu defecto, o vocal que o substitúa, levantará acta das sesións, que se transcribirá ó libro de actas.

Artigo 16º.-

Os membros da Xunta Directiva presidirán as comisións que a propia Xunta acorde constituír, co fin de delegar nelas a preparación de determinados actos ou actividades, ou de acadar delas as informacións necesarias. Formarán parte das ditas comisións o número de asociados que acorde a Xunta Directiva, a proposta dos seus respectivos presidentes.

Artigo 17º.-

A Asemblea Xeral de asociados e asociadas é o órgano de expresión da vontade da asociación e estará formada por tódolos integrantes desta. O presidente e o secretario da asemblea serán o presidente e o secretario da Xunta Directiva.

Artigo 18º.-

A Asemblea Xeral reunirse con carácter ordinario como mínimo unha vez ó ano, e con carácter extraordinario cantas veces o acorde a Xunta Directiva, ou o soliciten o 10% dos socios. Neste último caso realizarase por medio de escrito dirixido ó presidente, autorizado coas sinaturas dos solicitantes, no que se expoña o motivo da convocatoria e a orde do día.

Artigo 19º.-

A Asemblea Xeral Ordinaria reunirse necesariamente no período que vai desde o mes de xaneiro ata o de Decembro . Tanto a Asemblea Ordinaria como a Extraordinaria serán convocadas con 15 días de antelación polo/a presidente/a da Xunta Directiva. Las notificaciones tanto para las asambleas ordinarias como para las asambleas extraordinarias se notificaran por correo electrónico con acuse de recibo, salvo solicitud expresa por escrito del socio, para que se le notifique por correo ordinario certificado.

Artigo 20º.-

Serán competencias da Asemblea Xeral Ordinaria:

1. Aproba-lo plan de actividades.
2. Examinar e aproba-las contas e balances do exercicio anterior.
3. Aproba-los presupostos de ingresos e gastos para cada exercicio.
4. Exame e aprobación das cotas.

Artigo 21º.-

Serán competencias da Asemblea Xeral Extraordinaria:

1. Modifica-los estatutos da asociación.

2. Elixir e cesa-los integrantes da Xunta Directiva.
3. Aproba-la federación con outras asociacións.
4. Autoriza-lo alleamento, gravame ou hipoteca de bens sociais.
5. Acorda-la disolución da asociación.
6. Designa-los/as liquidadores/as.
7. Ratifica-la expulsión de asociados e asociadas a proposta da Xunta Directiva.
8. Solicita-la declaración de utilidade pública da asociación.
9. Aproba-lo regulamento de réxime interno da asociación.
10. As que sendo de competencia da asemblea ordinaria, por razóns de urxencia ou necesidade, non poidan agarda-la súa convocatoria, sen grave prexuízo para a asociación.
11. Tódalas non conferidas expresamente á Asemblea Xeral Ordinaria ou a Xunta Directiva.

Artigo 22°.-

A Asemblea Xeral quedará validamente constituída sempre que concorran a metade máis dos asociados na primeira convocatoria ou transcorrida media hora en segunda convocatoria, con calquera número de asistentes, pero, en todo caso, coa presenza do presidente ou vicepresidente e o secretario ou persoa que o substitúa.

Artigo 23°.-

Os acordos adoptados deberán selo polo voto afirmativo da maioría simple dos asistentes ou representados, excepto os relativos ós apartados do 1 ó 7 do artigo 21º, que requirirán maioría de dous terzos. A continuación levaranse os acordos ó libro de actas e asinarao o/a presidente/a, o/a secretario/a da Asemblea. A acta deberá ser lida na seguinte sesión celebrada pola Asemblea Xeral e aprobada pola maioría dos membros presentes.

Artigo 24°.-

Os acordos adoptados conforme ós preceptos anteriores obrigarán a tódolos/as asociados/as, incluso ós/ás non asistentes. As sesións abriranse cando así o determine o presidente. Seguidamente procederase por parte do secretario á lectura da acta da asemblea anterior que deberá ser aprobada. Posteriormente, o secretario procederá a presenta-la orde do día. Cada punto será informado polo membro da Xunta Directiva que lle corresponda, procedéndose ó debate e a aprobación dos correspondentes acordos nos termos contidos nestes estatutos, segundo a materia de que se trate.

Artigo 25°.-

Os acordos que vaian contra estes estatutos ou infrinxan os fins da asociación poderán ser recorridos en reposición diante da Asemblea Xeral. A partir da resolución do recurso de reposición, quedará expedita a vía para recorrer perante a xurisdicción ordinaria.

Artigo 26°.-

1. O secretario recibirá e tramitará as solicitudes de ingreso, levará o ficheiro e o libro rexistro de asociados e terá ó seu cargo a dirección dos traballos administrativos da entidade. Correspóndelle, así mesmo, notifica-las convocatorias, custodia-las actas e expedir certificacións destas co visto e prace do presidente. O secretario tamén levará o inventario dos bens da asociación nun libro establecido para este efecto.

2. Nos casos de ausencia, vacante ou enfermidade do secretario, o presidente designará entre os vocais a un que desenvolva esta función.

Artigo 27°.-

1. O tesoureiro recadará e custodiará os fondos pertencentes á asociación, dará cumprimento ás ordes de pagamento que expida o presidente, levará a contabilidade da asociación, tomará razón e

levará conta dos ingresos e dos gastos asociativos, elaborará o borrador de orzamentos da asociación así como as contas de resultados e balances.

2. O tesoureiro ten a obriga de proceder ó peche do exercicio orzamentario antes do 15 de decembro, co fin de que as contas estean a disposición dos membros da asociación nos quince días anteriores á celebración da asemblea ordinaria.

Artigo 28º.-

Os vocais terán as seguintes atribucións:

1. Realizar programas e propostas na súa área de actuación.
2. Desempeña-los traballos que lle sexan encomendados pola Xunta Directiva.

CAPÍTULO IV

RÉXIME ECONÓMICO

Artigo 29º.-

A asociación no momento de inicia-las súas actividades dispón dun patrimonio de 60 euros. O peche do exercicio económico coincidirá co do ano natural.

Artigo 30º.-

A asociación funcionará en réxime de presuposto anual, con partidas diferenciadas de ingresos e gastos. O borrador de presuposto será elaborado polo tesoureiro da asociación, que deberá telo preparado antes do un de xaneiro de cada ano, a fin de que poida ser aprobado na Asemblea Xeral Ordinaria.

Artigo 31º.-

A asociación manterase dos seguintes recursos:

1. As cotas periódicas dos/as asociados/as.
2. As cotas extraordinarias que propoña a Xunta Directiva e sexan aprobadas pola asemblea.
3. As doazóns ou subvencións que poidan conceder órganos públicos, entidades privadas ou particulares.
4. Os ingresos que se poidan recibir polo desenvolvemento das actividades da asociación.
5. Calquera outro ingreso admitido pola normativa vixente para actividades non lucrativas.

Artigo 32º.-

A Asemblea Xeral Ordinaria, a proposta da Xunta Directiva, aprobará tanto as cotas ordinarias como as extraordinarias que non serán reintegrables en ningún caso. O recadado dedicarase a atende-las necesidades da asociación.

Artigo 33º.-

Anualmente, con referencia ó ultimo día do exercicio económico de cada ano, elaboraranse as contas, que se formalizarán nunha memoria, que será posta a disposición dos/as asociados/as, durante

un prazo non inferior a 15 días ó sinalado para a celebración da Asemblea Xeral Ordinaria, que deberá aprobalas ou censuralas.

Artigo 34°.-

Para a disposición de fondos das contas que a asociación ten nas entidades bancarias será necesaria a sinatura conxunta do presidente e do tesoureiro. Artigo 35°.- Como entidade sen ánimo de lucro, en ningún caso poderán ser distribuídos entre os/as asociados/as os recursos obtidos pola asociación.

CAPÍTULO V

DO REGULAMENTO DE RÉXIME INTERNO

Artigo 36°.-

O regulamento de réxime interno, no seu caso, desenvolverá aquelas materias non contempladas directamente nestes estatutos, como o procedemento de elección dos membros da Xunta Directiva e o procedemento disciplinario, e non pode ir en ningún caso en contra do estipulado neles. En todo caso, o funcionamento interno da asociación estará sometido ó ordenamento xurisdiccional civil.

CAPÍTULO VI

MODIFICACIÓN DE ESTATUTOS E DISOLUCIÓN DA ASOCIACIÓN

Artigo 37°.-

Os ditos estatutos só poderán ser modificados por acordo da Asemblea Xeral Extraordinaria convocada para tal efecto, adoptado polas 2/3 partes dos asociados. A proposta de convocatoria deberá ir acompañada do texto das modificacións propostas.

Artigo 38°.-

A asociación disolverase voluntariamente por acordo dos asociados adoptado polas 2/3 partes dos asistentes á Asemblea Xeral Extraordinaria convocada para tal efecto.

Artigo 39º.-

Acordada a disolución, a Asemblea Xeral Extraordinaria designará tres asociados/as liquidadores, que xunto o/a presidente e o/a tesoureiro/a, procederán para efectuar-la liquidación dos bens, pagando débedas, cobrando créditos e fixando o haber líquido resultante.

Artigo 40º.-

O haber resultante, unha vez efectuada a liquidación, doarase a outra asociación non lucrativa e inscrita na comunidade autónoma que teña iguais ou similares fins que os desta asociación. O xustificante da doazón será presentado no Rexistro de Asociacións correspondente para proceder á inscrición da disolución da asociación.

Regulamento de Réxime Interior

Da elección dos membros da Xunta Directiva.

Artigo 1.-

Pode ser elixíbel coma membro da Xunta Directiva da Asociación Galega de Autocaravanas, calquera membro de pleno dereito da devandita Asociación e forme parte da candidatura presentada para a elección.

Artigo 2.-

A elección do Presidente, Secretario e Tesoureiro será realizada pola Asemblea Xeral da Asociación nun só acto mediante sufraxio universal, libre e segredo das listas pechadas das candidaturas presentadas. Sendo proclamado Presidente da Asociación o candidato cabeza da lista mais votada.

Artigo 3.-

Serán admitidas e sometidas a votación, cantas candidaturas sexan presentadas na forma e prazos que se dispoñen no presente Regulamento, sempre que as mesmas estean formadas por persoas asociadas a esta Asociación, reúnan condición de seren asociado fundador ou numerario, estean ao corrente do pagamento das cotas da Asociación e non manteñan débedas coa AGA e sempre que non coincidan as mesmas persoas en diferentes candidaturas presentadas.

Artigo 4.-

Cada unha das candidaturas presentadas, elaboradas por orde decrecente dende o cargo de Presidente, deberá facer constar o nome, apelidos, número de socio e cargo que ocupará cada un dos membros da mesma na Xunta Directiva. As candidaturas deberán ter o mesmo número de candidatos que postos a cubriren.

Artigo 5.-

Transcorrido o período máximo para o que foron elixidos e, coma prazo máximo dentro dos trinta (30) días seguintes, o Presidente da Asociación convocará á Asemblea Xeral e na convocatoria comunicará a apertura do proceso electoral, quedando, dende ese intre, a Xunta Directiva saínte en situación de interinidade, non podendo máis que resolveren aquelas cuestións de trámite e administración da Asociación.

Artigo 6.-

Aberto o proceso electoral, perante, se procederá á presentación das candidaturas para formar parte da Xunta Directiva que serán entregadas ao Presidente en funcións por correo certificado ou entregadas no rexistro da Asociación.

A Xunta Directiva en funcións garantirá a existencia das papeletas coas diferentes candidaturas en número suficiente para que tódolos asociados poidan ter garantido o seu dereito ao voto.

A Xunta Directiva en funcións garantirá o dereito ao voto por correo de calquera membro da mesma con dereito ao voto. O asociado que desexe facer uso deste dereito terá que solicitar o mesmo ao Presidente en funcións, que fará chegar ao mesmo as papeletas coas diferentes candidaturas para que sexan achegadas polo asociado, por correo certificado dirixido ao Presidente en funcións, do seu voto emitido nun sobre pechado.

Se terá en conta o seguinte calendario electoral:

- O 2º domingo de setembro procederáse a “Convocatoria de eleccións”.*
- A 3ª y 4ª semana de setembro “Presentación de candidaturas”.*
- Os tres (3) días inmediatamente posteriores a 4ª semana de Setembro “Proclamación de Candidaturas”.*
- Os tres días seguintes, as “Impugnaciones”.*
- A partir do día seguinte e ata o 4º día incluído da 3ª semana de Outubro a “Campaña Electoral”. Para este mester, a Asociación facilitará aos candidatos as direccións dos asociados coa finalidade que poidan facer chegar aos mesmos os seus programas electorais.*
- O sábado da 3ª semana de Outubro “Elección y Proclamación”. escomezará a xornada de votación que será realizada no lugar e tempo indicado na correspondente convocatoria.*

Artigo 7.-

1.- O día da votación formarase unha Mesa Electoral composta por TRES (3) socios, elegidos por sorteo o sábado inmediatamente anterior a o día das eleccións, sendo o Presidente o mais antigo dos elegidos.

a.- Si existiera unha única candidatura, a Xunta Xeral proclamará a sus componentes, sin máis, como novos membros da Xunta directiva y respecto a os cargos pra os que se houberan presentado.

b.- Cando existan dúas o máis candidaturas validas, a elección realizarase por votación secreta dende as 11.00 ata as 17:00 h. y despois do pertinente escrutinio proclamarase elixida aquela que obteña o maior número de votos.

2.- Quedarán excluídos para formar a Mesa Electoral, os membros das diferentes candidaturas presentadas.

3.- No caso “b” do Artigo 7.1., O Presidente da Mesa Electoral abrirá o colexio electoral e, unha vez esgotado o prazo para as votacións, ao peche do colexio electoral, introducirá na urna o votos que foran remitidos por correo certificado e recibidos antes do remate do período electoral.

4.- Realizado o escrutinio dos votos, o secretario levantará acta, que será asinada polos tres membros da mesa, dará conta do resultado ao Presidente interino e será proclamado Presidente da Xunta Directiva da Asociación o candidato que obtivera o maior número de votos válidos emitidos.

5.- Para facer efectivo o traspaso de poderes, as Xuntas entrante e máis saínte colaborarán todo o posíbel para facilitaren que a nova directiva poida escomenzar a exercer os seus cargos coa maior brevidade.